

ARION BANKI VIÐSKIPTABANKI | IS | 581008-0150

A3 | 86 / 100

A1 - A3	B1 - B3	C1 - C2	D
Framúrskarandi	Gott	Miðlungs	Slakt


EINKUNN

Arion banki nær framúrskarandi árangri í UFS áhættumati Reitunar með 86 stig af 100 mögulegum. Endar bankinn í flokki A3.

UFS NIÐURSTÖÐUR


	Vægi	Stig	Einkunn
Umhverfisþáttur	15.0%	86	A3
E.1 Notkun & hagvæmni	7.5%	97	A1
E.2 Umhverfisstjórnun & yfirsýn	7.5%	75	B2
Félagsþáttur	25.0%	90	A3
S.1 Starfsumhverfi	7.5%	82	B1
S.2 Velferð starfsmanna & viðskiptaánægja	17.5%	93	A2
Stjórnarhættir	60.0%	84	B1
G.1 Stjórnun & aðfangakeðja	9.0%	85	B1
G.2 Starfshættir	21.0%	95	A2
G.3 Vörur og þjónusta	30.0%	76	B2

SAMANBURÐUR



UFS EINKUNNADREIFING

Fjöldi rekstraraðila



STUTT SAMANTEKT Á NIÐURSTÖÐUM

Arion banki hefur náð góðum árangri í málefnum sem snúa að umhverfis- og félagsþáttum og stjórnarháttum (UFS) og endar því í flokki A, sem er hæsti flokkur. Stór áhættuþáttur fyrir fjármálafyrirtæki er innleiðing UFS málefna inn í fjárfestinga- og útlánastarfsemi. Bankinn hefur sýnt mikla nýsköpun á því sviði og þróað aðferðafræði til að meta fjárfestingarkosti, fyrst og fremst skráð fyrirtæki, m.t.t. UFS. Veitir hann þeim eftirfylgni og aðstoð við að standa betur að málaflökkunum og nýtir þannig áhrifavald sitt á jákvæðan hátt. Bankinn hefur skuldbundið sig til að vinna eftir viðmiðum Sameinuðu þjóðanna um ábyrgar fjárfestingar (PRI) og ábyrga bankastarfsemi (PRB). Hann vinnur nú að markmiðum sínum um að þróa áfram grænan ramma í kringum útlánastarfsemi sína og hefur þá sett sér það markmið að meta kolefnisfótspor lánasafnsins. Bankinn býður upp á betri lánakjör á vistvænum fararskjótum og grænan innlánsreikning sem er nýjung í bankaþjónustu á Íslandi. Það er jákvætt að bankinn leggi áherslu á að taka tillit til umhverfissjónarmiða í starfsemi sinni og styðja þannig við þróun samfélagsins í átt að frekari sjálfbærni. Innlend fjármálafyrirtæki starfa undir stífu regluverki og er því áhætta gagnvart stjórnarháttum almennt talin vera lág hjá íslenskum fjármálafyrirtækjum. Uppfyllir bankinn viðmið um almenna stjórnarhætti. Stór áhættuþáttur fyrir atvinnugreinina er upplýsingaöryggi og stýrir bankinn þeim áhættuþætti vel. Stöðug ógn stafar af netþrjótum og hraðri þróun tækninnar og er því hluti áhættunnar metin sem óviðráðanlegur. Arion banki hefur sterk tengsl við samfélagið og veitir styrki sem hafa jákvæð samfélagsleg áhrif. Vel er staðið að mannauðsmálum innan bankans og mælist starfsánægja góð. Hugað er vel að umhverfismálum í innri starfsemi og er allur rekstur kolefnisjafnaður. Niðurstöður sýna framúrskarandi árangur Arion banka í málefnum sem snúa að UFS og veitir bankinn gott fordæmi fyrir íslenskan markað.

SAMANBURÐUR VIÐ ÍSLENSKA ÚTGEFENDUR

Arion bankinn er vel fyrir ofan meðaltal í öllum flokkum í samanburði við innlenda útgefendur sem hafa farið í gegnum greiningu hjá Reitun (fjöldi um 30). Meðaltal markaðarins sýnir heildareinkunn sem er nú 60 stig af 100 mögulegum, sem er flokkur B3. Arion banki fær hæstu einkunn í þessu mati og deilir henni ásamt einum öðrum rekstraraðila. Skarar bankinn og hinn útgefandinn því nokkuð fram úr í þessum þáttum á íslenskum markaði.

Fyrirvarar

Við gerð þessarar greiningar og mats á umhverfis- og félagsþáttum og stjórnarháttum (UFS), er gengið út frá því að þau gögn og upplýsingar sem Reitun hefur fengið aðgang að til skoðunar séu sannleikanum samkvæmt og ekki liggi fyrir frekari gögn. Hafi Reitun fengið afhent ljósrit af skjölum gengur Reitun út frá því að þau séu í samræmi við frumrit viðkomandi skjala og ekki hafi verið gerðir neindir viðaukar eða breytingar á þeim eftir á. Þá er gengið út frá því að allar undirritanir á skjöl og samninga sem Reitun hefur fengið aðgang að séu réttar og skuldbindandi fyrir félagið.

Þær skoðanir og spár sem hér koma fram eru byggðar á almennum upplýsingum og mögulega trúnaðarupplýsingum sem Reitun hefur undir höndum þegar matið er ritað. Helstu heimildir eru ársskýrslur og ýmis gögn frá þeim aðila sem verið er að meta, spurningalistar, samtöl og fundir auk aðgengilegra opinberra upplýsinga sem birst hafa í fjölmiðlum og á öðrum vettvangi sem félagið telur áreiðanlegar. Reitun ábyrgist þó ekki áreiðanleika eða nákvæmni upplýsinganna og ber enga ábyrgð á áreiðanleika upplýsingaveitna sem stuðst er við. Upplýsingar í umfjöllun eru einungis birtar í upplýsingarskyni og þær ber ekki að skoða sem tilboð á neinn hátt og þær skulu ekki nýttar á þeirri forsendu að um sé að ræða ráðleggingar vegna fjárfestinga í fjármálagerningum. Fjárfestar eru eindregið hvattir til að afla sér sjálfstæðra ráðlegginga eigin ráðgjafa áður en fjárfest er í fjármálagerningum, s.s. vegna lagalegrar eða skattalegrar stöðu sinnar. Reitun og starfsfólk Reitunar bera ekki ábyrgð á viðskiptum sem byggð eru á þeim upplýsingum og skoðunum sem hér eru settar fram.

Þrátt fyrir að þess sé sérstaklega gætt að upplýsingarnar séu réttar og nákvæmar þegar þær eru settar fram getur Reitun, eða starfsmenn Reitunar, ekki borið ábyrgð á villum. Mat á upplýsingum endurspeglar skoðanir Reitunar á þeim degi sem þær eru settar fram, en þær geta breyst án fyrirvara. Hvorki Reitun né stjórnendur eða starfsmenn félagsins bera ábyrgð á beinu eða óbeinu tjóni sem hlýst af upplýsingum sem finna má í þessu mati eða dreifingu slíkra upplýsinga.

Sérstök athygli er vakin á því að áætlanir og spár geta breyst fyrirvaralaust á jákvæðan eða neikvæðan hátt og eru háðar utanaðkomandi óvissu og breytum sem gjarnan eru ekki á valdi Reitunar. Reitun og starfsmenn félagsins taka ekki ábyrgð á því ef að UFS mat einstakra útgefanda sem félagið hefur metið og gefið einkunn á breytist. Reitun ábyrgist ekki að gera breytingar á þeim upplýsingum sem birtar eru í skýrslunni ef forsendur þeirra breytast eða ef í ljós kemur að þær eru rangar eða ónákvæmar.

Reitun, starfsmenn Reitunar, stjórnarmenn eða aðilar tengdir Reitun kunna að eiga hagsmuna að gæta varðandi einstök félög sem greiningar, verðmatsskýrslur og annað útgáfuefni Reitunar lýtur að hverju sinni. Hagsmunir kunna að vera ýmsir t.d. sem hluthafar eða ráðgjafar, eða hagsmunir sem lúta að annarri veittri þjónustu. Möguleiki er á að útgefandi verðbréfa sem metin eru greiðir Reitun fyrir þá þjónustu. Öll greiningarvinna eru engu að síður unnin sjálfstætt af Reitun.

Reitun á allan höfundarrétt að upplýsingum í skýrslunni. Óheimilt er með öllu að dreifa þeim upplýsingum sem finna má í matinu eða nýta þær með öðrum hætti án heimildar Reitunar.